



**D<sup>a</sup>. YOLANDA AGUIAR CASTRO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO**

**C E R T I F I C O:** Que a Xunta de Goberno Local, na **sesión ordinaria do 28 de xullo de 2022** adoptou o seguinte acordo:

**5.- RECTIFICACIÓN ERRO MATERIAL PROXECTO DE CONVENIO DE COLABORACIÓN COA UXT-UNIÓN COMARCAL DE VIGO PARA A ORGANIZACIÓN E EXECUCIÓN DA XORNADA INFORMATIVA, DO PROXECTO “VIGO POLA INSERCIÓN LABORAL”, ACORDO XGL DO 07/07/2022. EXPTE. 19083/77.**

Dáse conta do informe-proposta de data 20/07/2022, asinado pola xefa do Servizo de Participación Cidadá e Desenvolvemento Local, polo concelleiro-delegado de Emprego e polo concelleiro-delegado de Orzamentos e Facenda:

**ANTECEDENTES**

I. Con data de entrada no Rexistro Xeral do Concello de Vigo o 15/03/2022, Don José Luis Fernández Celis (DNI: 34939808W), Secretario de organización e administración da “UNIÓN XERAL DE TRABALLADORES DE GALICIA UGT-GALICIA” (CIF: G15383011), achegou escritos (docs. 220044476, 220054596, 220054609, 220059880, 220108383, 220109114, 220110144 e 220118646) solicitando a celebración dun convenio de colaboración co Concello de Vigo, para organizar e executar a xornada informativa “Promoción da inserción sociolaboral en colectivos vulnerables no Concello de Vigo” do proxecto “Vigo pola inserción laboral” previsto no Programa Operativo de Emprego, Formación e Educación (POEFE), mediante unha axuda económica que se concreta no financiamento dos gastos de deseño, cartelería, publicidade e difusión, coffee break, ponencias de expertos na materia, dietas dos poñentes e material conmemorativo, derivados da planificación desta xornada que se levará a cabo nas instalacións da “UXT Unión comarca de Vigo”, na rúa García Barbón, nº 67, a durante a mañá do día 20 de maio de 2022, en horario de 09:00 a 14:00 horas.

II. Con data 07/07/2022, a Xunta de Goberno Local adoptou o seguinte acordo:

**“ PRIMEIRO. - AUTORIZAR e DISPOR o gasto por importe de 4.585,41€ (catro mil cincocentos oitenta e cinco con corenta e un euros), con cargo á aplicación orzamentaria nº 2410 4800013 denominada “Convenios Xornadas Informativas\_Vigo pola inserción laboral.- 2022”, incluída no vixente orzamento municipal de 2022.**

**SEGUNDO. - APROBAR o texto do Convenio de colaboración entre o Concello de Vigo e a “UXT UNION COMARCA DE VIGO” (G15383011), cuxo obxecto é organizar e executar o a xornada “Promoción da inserción sociolaboral en colectivos vulnerables no Concello de Vigo” do proxecto “Vigo pola inserción laboral”, e coa sinatura do mesmo, CONCEDER á referida entidade, unha subvención de 4.585,41€ (catro mil cincocentos oitenta e cinco con corenta e un euros) ...”**

III. Se ten advertido un erro no pacto oitavo do texto do convenio aprobado relativo ao prazo de xustificación da realización da subvención, xa que, estableceuse como data de finalización do prazo para achegar a xustificación o 04/07/2022, sendo de imposible cumprimento pola beneficiaria por ser anterior á data de aprobación de dito convenio.



Copia do documento - Concello de Vigo	Data impresión: 03/07/2024 15:45	Páxina 1 de 3
SUBVENCIONS	CSV: ACAH5E-BEA438-8A5FDB-YPM7N3-KXMS3M-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

## FUNDAMENTOS DE DEREITO

I. O artigo 109.2 da Lei 39/2015, de 1 de outubro, do Procedemento Administrativo Común, dispón que, as Administracións Públicas poderán rectificar en calquera momento, *de oficio*, ou a instancia dos interesados *os erros materiais*, de feito ou aritméticos existentes nos seus actos, polo que, débese proceder a rectificar o prazo máximo de xustificación da subvención establecido no pacto oitavo do Convenio, por ser un prazo anterior á aprobación da subvención, de imposible cumprimento, debendo establecer o vindeiro **31 de agosto de 2021** como data límite para a presentación da documentación xustificativa do cumprimento da finalidade para a que se concedeu a subvención e, no seu caso, da aplicación dos fondos recibidos.

Por todo o anteriormente exposto e, tratándose dun erro material na data de xustificación que non implica variación respecto ao informe de fiscalización da Intervención Xeral Municipal e previa a conformidade do Sr. Concelleiro-Delegado de Cultura e Emprego, nos termos das delegacións de competencias nos/as concelleiros/as delegados/as de Área, propónse á Xunta de Goberno Local a adopción do seguinte

## ACORDO

**PRIMEIRO: Rectificar o erro material advertido no pacto oitavo do texto do Convenio de colaboración** entre o concello de Vigo e a UXT Unión Comarcal de Vigo para a organización e execución da xornada informativa “Promoción da inserción sociolaboral en colectivos vulnerables no Concello de Vigo” do proxecto “VIGO POLA INSERCIÓN LABORAL”, aprobado por acordo da Xunta de Goberno Local de data 07/07/2022, de xeito que, onde di::

“**Oitavo.**- O pagamento da subvención realizarase logo de que o beneficiario xustifique a realización do proxecto. A xustificación da subvención realizarase pola “UXT Unión comarca de Vigo” mediante a presentación dunha memoria final, coa súa correspondente conta xustificativa que acredite o cumprimento total do obxecto e condicións do convenio. O prazo máximo para achegar esta xustificación será o 04 de xullo de 2022.”

Deberá dicir:

“**Oitavo.**- O pagamento da subvención realizarase logo de que o beneficiario xustifique a realización do proxecto. A xustificación da subvención realizarase pola “UXT Unión comarca de Vigo” mediante a presentación dunha memoria final, coa súa correspondente conta xustificativa que acredite o cumprimento total do obxecto e condicións do convenio. O prazo máximo para achegar esta xustificación será o **31 de agosto de 2022.**”

Contra o presente acordo poderán interpoñer recurso de reposición ante o órgano que a dita no prazo dun mes ou recurso contencioso-administrativo ante os Xulgados do Contencioso-Administrativo de Vigo no prazo de dous meses, ámbolos dous prazos, contados a partir do día seguinte á recepción da notificación do acordo, de conformidade cos art. 123 e 124 da Lei 39/2015, de LPAC e 8.1 e 46.1 da Lei 29/98, RXCA. Porén, interposto o recurso de reposición non poderá interpoñer recurso contencioso-administrativo ata que sexa resolto expresamente o primeiro ou se produza a súa desestimación presunta polo transcurso do prazo máximo dun mes establecido para ditar e notificar a resolución.

## **ACORDO:**

A Xunta de Goberno Local aproba a proposta contida no precedente informe.



Copia do documento - Concello de Vigo	Data impresión: 03/07/2024 15:45	Páxina 2 de 3
SUBVENCIONS	CSV: ACAH5E-BEA438-8A5FDB-YPM7N3-KXMS3M-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/rs

V. e Pr.  
O ALCALDE,  
Abel Caballero Álvarez.



Copia do documento - Concello de Vigo	Data impresión: 03/07/2024 15:45	Páxina 3 de 3
SUBVENCIONS	CSV: ACAH5E-BEA438-8A5FDB-YPM7N3-KXMS3M-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		